# Մարդու իրավունքների պաշտպանի իրավական դիրքորոշումները բարձրագույն ուսումնական հաստատությունների 2020-2021 ուսումնական տարվա ընդունելությանն կարգին առնչվող բողոքների կապակցությամբ

Մարդու իրավունքների պաշտպանը հուլիսի 21-ից մինչև հուլիսի 31-ն ընկած ժամանակահատվածում բարձրագույն ուսումնական հաստատությունների 2020-2021 ուսումնական տարվա ընդունելությանն առնչվող հարցերով դիմորդներից կամ նրանց ծնողներից ստացել է 49 անհատական բողոք և 55 անձի ստորագրությամբ 1 կոլեկտիվ։ Մարդու իրավունքների պաշտպանի աշխատակազմը մշտադիտարկման սկզբունքով ուսումնասիրել է բուհեր ընդունելության կարգի վերաբերյալ դիմորդների և նրանց ծնողների հրապարակային բողոքները։

Մարդու իրավունքների պաշտպանի աշխատակազմում հանդիպման ընթացքում Պաշտպանը մի խումբ դիմորդների և նրանց ծնողների հետ քննարկել է վերջիններիս մտահոգությունները։ Պաշտպանը նաև նախաձեռնել է մասնագիտական մի շարք քննարկումներ՝ կապված խնդրո առարկա հարցերի հետ, ինչպես նաև ուսումնասիրվել է ՀՀ վերաբերելի օրենսդրությունը։

Նկարագրված ուսումնասիրությունների և քննարկումների արդյունքներով մի շարք գրություններ են հասցեագրվել << կրթության, գիտության, մշակույթի և սպորտի նախարարություն, իսկ պարզաբանումները դրվել են սույն իրավական դիրքորոշումների հիմքում։ Բարձրացված հարցերի վերաբերյալ քննարկումներ են տեղի ունեցել ինչպես Մարդու իրավունքների պաշտպանի և Կրթության, գիտության, մշակույթի և սպորտի նախարարի, այնպես էլ Պաշտպանի աշխատակազմի և նախարարության մի շարք իրավասու աշխատակիցների միջև։ Քննարկումների ընթացքում պետական կառավարման մարմինն ապահովել է անհրաժեշտ տեղեկությունների տրամադրումը։

Ըստ այդմ, դիմորդների ու նրանց ծնողների բողոքներով բարձրացված հարցերը ներկայացվում է հետևյայ հիմնական կետերով.

1) դիմորդները ստացել են բարձր միավորներ, սակայն բարձրագույն ուսումնական հաստատություններ չեն ընդունվել այն պատճառով, որ գործող կարգն անարդարացի է և ոտնահարում է իրենց կրթության իրավունքը,

- 2) դիմորդները չեն կարողացել դիմում-հայտում իրենց ընտրությամբ նշված հաջորդ մասնագիտություններով ընդունվել բարձրագույն ուսումնական հաստատություն՝ տեղերի համալրված լինելու պատճառով,
- 3) 2020-2021 ուսումնական տարվա ընդունելության կարգի վերաբերյալ << կրթության, գիտության, մշակույթի և սպորտի նախարարությունը կամ նախարարության կազմում գործող մարմինները հանրային պատշաճ իրազեկումներ չեն ապահովել, ինչի արդլունքում խախտվել է կրթության իրենց իրավունքը,
- 4) իրազեկումների հարցում հաշվի չեն առնվել արտակարգ դրության գործոնը և արտակարգ դրությամբ պայմանավորված՝ երկրում կիրառված սահմանափակումները,
- 5) Պաշտպանին բողոք հասցեագրած մեկ դիմորդ ընդունելության քննություններին մասնակցելու հնարավորությունից զրկվել է արտակարգ դրության ժամանակահատվածում պետության կիրառած սահմանափակումների, մասնավորապես՝ որպես նոր տիպի կորոնավիրուսի (COVID-19) վարակակիր, պետության պահանջով ինքնամեկուսացման մեջ լինելու պատճառով։

Նկարագրված հարցերի առնչությամբ իրավական դիրքորոշումներ ձևավորելիս Մարդու իրավունքների պաշտպանը ղեկավարվել է բացառապես օրենքով իրեն վերապահված իրավասությամբ՝ Սահմանադրության 38-րդ հոդվածով ամրագրված անձի կրթության իրավունքի պատշաճ իրացումը երաշխավորելու նկատառումով։

Նույն սկզբունքով՝ Մարդու իրավունքների պաշտպանը ձեռնպահ է մնում այնպիսի հարցերի վերաբերյալ գնահատականներ տալուց, որոնք չեն առնչվում Պաշտպանի իրավասությանը կամ արդեն իսկ դիմողների կողմից ներկայացված են դատարանի քննարկմանը։

#### 1. Բարձրագույն ուսումնական հաստատություններ ընդունելության կազմակերպման և

#### իրագործման հարցում պետության հայեցողության շրջանակը

Կրթական համակարգի կազմակերպման և իրագործման, այդ ուղղությամբ անհրաժեշտ միջոցների ընտրության հարցում միջազգային պահանջները պետությունների համար ամրագրում են հայեցողության լայն շրջանակ<sup>1</sup>։ Սա նշանակում է, որ պետության իրավասության ներքո է գտնվում կրթության բնագավառում քաղաքականության իրականացումը և դրա կազմակերպական-իրավական հիմքերի ձևավորումը։

Ըստ այդմ, պետության հայեցողության շրջանակը տարածվում է անձանց մրցունակության գնահատման սկզբունքների ու չափորոշիչների ընտրության, դրանց ձևավորման և այլ հարցերի նկատմամբ։

< մարդու իրավունքների պաշտպանին հասցեագրված կոլեկտիվ բողոքով դիմորդները և նրանց ծնողները տեղեկացրել են, որ 2020-2021 թվականի պետական և ոչ պետական բարձրագույն ուսումնական հաստատությունների ընդունելության միասնական քննություններին մասնակցելու արդյունքում «12.0»-ից «18.75» միավոր ստանալու պարագայում՝ միավորները 1-ին հայտով նշված բուհ ընդունվելուն չբավականացնելու պատճառով դիմորդները չեն ընդունվել բուհ կամ ընդունվել են 8-րդ հայտով նշված որևէ բուհ։

Ըստ բողոքների՝ քննության ամփոփման արդյունքում դիմում-հայտի առաջին հայտով ընտրված մասնագիտության համար չեն ստացել անհրաժեշտ միավորներ, սակայն իրենց ստացած միավորներն այնքան բարձր են եղել, որ գիտելիքը՝ որպես չափանիշ հիմք ընդունելու դեպքում կարող էին ընդունվել բուհ՝ դիմում-հայտում նշված հաջորդ մասնագիտությամբ կրթություն ստանալու համար։ Բուհ ընդունվել, սակայն, հնարավոր չի եղել՝ հաջորդ մասնագիտություններով տեղերի համալրված լինելու պատճառով։

Ընդ որում, ըստ բողոքների՝ գործադրված նոր կարգը ստեղծել է անարդարացի պայմաններ. ցածր միավորներ ստացած դիմորդներն ընդունվել են բուհ, մինչդեռ բարձր

3

<sup>&</sup>lt;sup>1</sup> https://www.coe.int/t/dghl/cooperation/lisbonnetwork/themis/echr/paper2\_en.asp#P374\_57714

միավորներ ստացածներն ընդհանրապես զրկվել են կրթության հնարավորությունից։

Բարձրացված հարցերի կապակցությամբ ՀՀ կրթության, գիտության, մշակույթի և սպորտի նախարարությունը Մարդու իրավունքների պաշտպանին պարզաբանել է, որ ՀՀ կառավարության 2020 թվականի մայիսի 21-ի թիվ 826-Ն որոշմամբ հաստատված կարգով պահպանվել է մրցութային սկզբունքը. իրար հետ մրցակցել են նույն մասնագիտությունը նախընտրող դիմորդները՝ ըստ իրենց միավորների՝ մինչև տվյալ մասնագիտության համար սահմանված ընդունելության տեղերի համալրումը։ Նախապատվությունը տրվել է քննության արդյունքներին, ընդունված են համարվել միևնույն մասնագիտությունը ընտրած անձանցից (առաջին հայտով) առավել բարձր միավորներ հավաքած դիմորդները։ Դրանից բացի, նախարարությունն ընդգծել է մասնագիտական կողմնորոշման և մասնագիտության ընտրության կարևորությունը։

Հաշվի առնելով բարձրագույն ուսումնական հաստատություններ ընդունելության կազմակերպման հարցում պետության հայեզողության շրջանակը պաշտպանի իրավասության իրավունքների շրջանակը՝ นทมุน իրավական դիրքորոշումներում Պաշտպանը ձեռնպահ է մնում գնահատելուց, թե ինչ համակարգ պետը է գործի երկրում կամ որոնը են ինքնին գիտելիքի, թե մասնագիտության նախապատվության սուսջնային չափանիշներով րնդունելության բուհ կազմակերպման առավելությունները կամ թերությունները։

Մարդու իրավունքների պաշտպանը քննարկման առարկա է դարձրել այն, թե արդյոք գործադրված նոր կարգի պայմաններում պետությունը հաշվի է առել բոլոր այն գործոնները, որոնք կարող էին բացասական ազդեցություն ունենալ դիմորդների կրթության իրավունքի վրա և արդյոք պետությունը ձեռնարկել է բավարար միջոցներ, որոնք կարող էին չեզոքացնել այդ գործոնների բացասական ազդեցությունը ու արդյոք արդյունքում երաշխավորվել է մարդու իրավունքների իրացումը։

## 2. Պետության իրավական պարտավորությունների նշաձողը մարդու նկատմամբ արտակարգ դրության պայմաններում

Հայաստանի Հանրապետությունում հայտարարված արտակարգ դրության ենթադրում է իրավական ռեժիմը² մարդու սահմանադրական իրավունքների սահմանափակումներ։ Նման սահմանափակումները կիրառված են այն նկատառումով, որ պետությունն ունենա նոր տեսակի կորոնավիրուսային (COVD-19) համավարակին հակազդելու և հանրալին առողջությունը, ալլոզ իրավունքներն ու ազատություններն առավել արդյունավետ պաշտպանելու հնարավորություն։ Հենց այս իրավաչափ հիմնավորումն է, որ պետությանը հնարավորություն է տայիս մարդու նկատմամբ կիրառել սահմանափակումներ։

Կառավարության 2020 թվականի մայիսի 21-ի «Պետական և ոչ պետական բարձրագույն ուսումնական հաստատությունների 2020-2021 ուսումնական տարվա ընդունելության կարգը (ըստ բակալավրի ու անընդհատ և ինտեգրացված կրթական ծրագրի) և բարձրագույն ուսումնական հաստատությունների (ըստ բակալավրի ու անընդհատ և ինտեգրացված կրթական ծրագրի) 2020-2021 ուսումնական տարվա մասնագիտությունների և ընդունելության քննությունների ցանկը հաստատելու մասին» թիվ 826-Ն որոշման նախագծին կից հիմնավորումներում Նախագծի հեղինակը նշում է, որ բարձրագույն ուսումնական հաստատություններ ընդունելության կարգը փոխելու անհրաժեշտությունը պայմանավորված է Հայաստանի Հանրապետությունում նոր կորոնավիրուսի կանխարգելման համար հայտարարված արտակարգ դրությամբ։

Ակնիայտ է, որ այս ամենը բարձրացնում է պետության իրավական բեռն ու պատասխանատվության աստիճանը մարդու նկատմամբ։ Դա ենթադրում է առավել մեծ ջանքեր գործադրելու պետության պարտավորությունը։

Մարդու իրավունքների պաշտպանը կարևոր է համարում արձանագրել, որ արտակարգ դրությունը չի նշանակում, թե պետությունն այդ կերպ ավելացնում է իր առավելությունները մարդու նկատմամբ կամ ձերբազատվում է մարդու նկատմամբ ունեցած պարտավորություններից։ Ի վերջո, մարդն իր իրավունքների և ազատությունների սահմանափակումները «հանդուրժում» է հանուն նրա, որպեսզի

5

<sup>&</sup>lt;sup>2</sup> ՀՀ Կառավարության 2020 թվականի մարտի 16-ի «Հայաստանի հանրապետությունում արտակարգ դրություն հայտարարելու մասին» թիվ 298-Ն որոշում։

պետությանը հնարավորություն տա արագ ու արդյունավետ կանխելու հանրային առողջությանը սպառնացող վտանգը։

Ուստի, արտակարգ դրության փաստը ավելի է մեծացնում պետության պոզիտիվ պարտավորությունների աստիճանը և իրավական բեռը, քանի որ յուրաքանչյուր սահմանափակում պետք է լինի անհրաժեշտ, իրավաչափ և համաչափ կոնկրետ իրավիճակին ու ծառայի կորոնավիրուսի կանխարգելմանը³:

#### 3. Բարձրագույն ուսումնական հաստատություններ ընդունելության նոր կարգի րնդունմանն առնչվող ընթացակարգային թերացումները

Ա. Ընդունելության նոր կարգին առնչվող իրավական ակտերի նախագծերի հանրային քննարկումների հարցը

ՀՀ կառավարությունը 2020 թվականի մայիսի 21-ի նիստում հավանություն է տվել թիվ 826-Ն որոշմանը, որը վերաբերում է պետական և ոչ պետական բարձրագույն ուսումնական հաստատությունների 2020-2021 ուսումնական տարվա ընդունելության կարգին և բարձրագույն ուսումնական հաստատությունների 2020-2021 ուսումնական տարվա մասնագիտությունների և ընդունելության քննությունների ցանկին։

«Կրթության մասին» << օրենքում լրացում կատարելու մասին» << օրենքի նախագիծը ընդգրկվել է Կառավարության 2020 թվականի հունիսի 18-ի նիստում՝ որպես չզեկուցվող և ընդունվել Ազգային ժողովի յոթերորդ գումարման 2020 թվականի հունիսի 24-25-ի արտահերթ նստաշրջանում։

Ակնհայտ է, որ օրենքի նախագիծն անցել է ընդունման ընթացակարգային այնպիսի փուլեր, որոնք չեն վկայում հանրային կամ շահագրգիռ քննարկումներ անելու պետության մտադրության մասին։

\_

<sup>&</sup>lt;sup>3</sup> https://www.ohchr.org/EN/Issues/AssemblyAssociation/Pages/Covid19freedomAssembly.aspx

Թե՛ Կառավարության որոշման, թե՛ օրենքի նախագծերին կից ներկայացված ամփոփաթերթերի ուսումնասիրությունը ցույց է տալիս, որ փաստաթղթերի վերաբերյալ նկատառումներ ներկայացրել է միայն << արդարադատության նախարարությունը, իսկ «Կրթության մասին» << օրենքում լրացում կատարելու մասին» << օրենքի նախագծին կից ամփոփաթերթում՝ նաև << ֆինանսների նախարարության կողմից առաջարկություններ և դիտողություններ չունենալու մասին նշում։ Վերոնշյալը թույլ է տալիս ենթադրել, որ Նախագծերը կարծիքի համար չեն ուղարկվել այլ մարմինների։

## Պետք է նշել, որ նշված նախագծերը Մարդու իրավունքների պաշտպանին կարծիքի նույնպես չեն ներկայացվել։

Մարդու իրավունքների պաշտպանի աշխատակազմը այս թեմայով չի արձանագրել նաև հանրային քննարկումներ, այդ թվում՝ լայն կամ մասնագիտական հանրության մասնակցությամբ։ Նման քննարկումներ չեն արձանագրվել նաև առցանց տարբերակով։

Մինչդեռ, նորմատիվ իրավական ակտերի նախագծերի վերաբերյալ հանրային քննարկումներ իրականացնելու պահանջը նախատեսված է «Նորմատիվ իրավական ակտերի մասին» << օրենքով, իսկ Կառավարության 2018 թվականի հունիսի 8-ի «Հայաստանի Հանրապետության կառավարության աշխատակարգը հաստատելու մասին» թիվ 667-և որոշման 20-րդ կետի ուժով՝ մարդու իրավունքներին և ազատություններին վերաբերող օրենքների նախագծերը նախքան կառավարություն ներկայացնելն ուղարկվում են Հայաստանի Հանրապետության մարդու իրավունքների պաշտպանին՝ կարծիքի։

«Մարդու իրավունքների պաշտպանի մասին» սահմանադրական օրենքի համաձայն՝ Պաշտպանն իրավասու է մինչև մարդու իրավունքներին և ազատություններին վերաբերող նորմատիվ իրավական ակտերի նախագծերի ընդունումը դրանց վերաբերյալ իրավասու մարմին ներկայացնելու գրավոր կարծիք։

Հանրային քննարկումներ իրականացնելու պահանջի չպահպանումը խնդրահարույց է հանրային քննարկում չանցկացնելու կամ ոչ պատշաճ իրականացնելու դեպքում ընդունված իրավական ակտերը առանց հասարակության, այդ թվում՝ շահագրգիռ

անձանց կարծիքները բացահայտելու և նախագծի ընդունման հետևանքով կրթության իրավունքի տեսանկյունից հնարավոր ռիսկերն ու դրանց բացասական հետևանքները կանխատեսելու, դրանք չեզոքացնելու տեսանկյունից։

Իհարկե, հասկանալի է, որ արտակարգ դրության իրավական ռեժիմը կարող է պահանջել նորմատիվ իրավական ակտերի նախագծերի վերաբերյալ հանրային քննարկումների անցկացման սեղմ ժամկետներ։

Սակայն նախագծերի ընդունման հրապապությունը չի վերացնում այդ փաստաթղթերի մասին հանրային քննարկումներ անելու անհրաժեշտությունը (իրազեկման աշխատանքների մասին խոսվում է սույն իրավական դիրքորոշումների հետագա շարադրանքում)։

Առավել ևս, որ խոսքը վերաբերում է մարդուն անմիջականորեն առնչվող, նրա կրթության իրավունքին միջամփող, իսկ առանձին դեպքերում նաև այլ իրավունքների վրա ազդող կարգավորումների։ Ընդ որում, պետք էր հաշվի առնել, որ մարդու կրթության իրավունքի վրա նոր փոփոխությունների հնարավոր ազդեցությունը լինելու էր երկարաժամկետ էֆեկտով ու չէր սահմանափակվելու արտակարգ դրության ժամանակային սահմաններով։ Սա ևս բարձրացնում է պատասխանատու մարմնի կողմից հանրային քննարկումներ անելու անհրաժեշտությունը նախագծերի ընդունման փուլում։ Ընդ որում, խոսքը վերաբերում է ոչ թե պասիվ, այլ ակտիվ քննարկումների։

P. Ընդունելության նոր կարգին առնչվող իրավական ակտերին կից ներկայացված հիմնավորումները

Իրավական ակտերի ընդունման հիմնավորումները կարևորագույն նշանակություն ունեն դրանց անհրաժեշտությունն ընդգծելու, ինչպես նաև հետագայում ընդունված ակտի մեկնաբանության ու կիրառության տեսանկյունից։ Իրավական ակտերի նախագծերը պետք է ունենան պատշաճ հիմնավորումներ։ Խոսքը հատկապես վերաբերում է այն

դեպքերին, որոնք անմիջական ազդեցություն են ունենում մարդու վրա, միջամտում են նրա իրավունքների իրականացմանը։

Մինչդեռ, Կառավարության որոշման և օրենքի նախագծերին կից ներկայացված հիմնավորումների ուսումնասիրությունը վկայում է, որ դրանցում առկա չէ այդ փաստաթղթերի ընդունման անհրաժեշտությունը հիմնավորող բավարար տեղեկատվություն։ Մասնավորապես, բացակայում են այնպիսի հիմնավորումներ, որոնք կարտացոլեին առկա իրավիճակը, ինչպես նաև առկա չէ այնպիսի վերլուծություն, որը թույլ կտար գնահատել առաջարկվող փոփոխության ազդեցությունը մարդկանց կրթության իրավունքի վրա և կարգավորման համար ընտրված եղանակի նպատակահարմարությունը, դրանով հետապնդվող նպատակն ու ակնկալվող արդյունքները։

Նման մուրեցման համար անհրաժեշտ հիմնավորումների բացակայությունը հիմք է տալիս ենթադրելու, որ ընդունելության նոր կարգի առնչությամբ պետական կառավարման պատասխանատու մարմինները բավարար ուսումնասիրություններ չեն իրականացրել։ Մինչդեռ, վերոնշյալ հարցերը պետք է քննարկման առարկա դառնային հենց նախագծերի մշակման փուլում կամ առնվանզն դա պետք է երևար նախագծերի ընդունման անհրաժեշտությունը ցույց տվող հիմնավորումներից։

Կառավարության որոշման նախագծի մշակման գործընթացում անհրաժեշտ էր քննարկել, թե առաջարկվող կարգավորումը գործնականում ինչ հնարավոր ռիսկեր կարող է պարունակել և ինչ ազդեցություն կունենա կրթության իրավունքի իրացման տեսանկյունից՝ հաշվի առնելով նաև այն, որ 2020-2021 ուսումնական տարվա համար բուհերում ընդունելությունն իրականացվել է մեկ քննության արդյունքների հիման վրա ու այն էլ նոր տեսակի կորոնավիրուսի համավարակի պայմաններում։

Այս ամենն էլ պետք է արտացոլվեր փաստաթղթերին կից առկա հիմնավորումներում։

Ուստի, հիմք ընդունելով խնդրո առարկա փաստաթղթի անմիջական ազդեցությունը << Սահմանադրությամբ երաշխավորված կրթության իրավունքի իրացման վրա՝ կարծում ենք, որ դրանք ընդունելուց առաջ, իրավասու մարմինները պետք է ապահովեին ինչպես

այդ նախագծերով առաջարկվող լուծումների պատշաճ հիմնավորվածությունը, այնպես էլ հանրային քննարկումների պատշաճ անցկացումը, այդ թվում՝ մասնագիտական շրջանակներում։

Գ. Ընդունելության նոր պահանջների ներդրման իրավական պայմաններն ու հիմքերը

< կառավարությունը պետական և ոչ պետական բարձրագույն ուսումնական հաստատությունների 2020-2021 ուսումնական տարվա ընդունելության կարգին առնչվող թիվ 826-Ն որոշումն ընդունել է՝ ղեկավարվելով «Բարձրագույն և հետբուհական մասնագիտական կրթության մասին» օրենքի 14-րդ հոդվածի 5-րդ մասով և «Կրթության մասին» օրենքի 15-րդ հոդվածի 1-ին և 5-րդ մասերով։

Այսպես, «Բարձրագույն և հետբուհական մասնագիտական կրթության մասին» օրենքի 14-րդ հոդվածի 5-րդ մասի համաձայն՝ պետական և ոչ պետական բարձրագույն ուսումնական հաստատությունների ընդունելության կարգը, ըստ բակալավրի կրթական ծրագրի, սահմանում է Հայաստանի Հանրապետության կառավարությունը։

Ընդ որում, ընդունելությունը բարձրագույն ուսումնական հաստատություններ կատարվում է ըստ Հայաստանի Հանրապետության կառավարության հաստատած մասնագիտությունների ցանկի՝ մատչելիության, հրապարակայնության, արդարության, վստահելիության, թափանցիկության, հավասարության սկզբունքների կիրառմամբ։

«Կրթության մասին» օրենքի 15-րդ հոդվածի 1-ին մասը ևս նախատեսում է, որ պետական և ոչ պետական բարձրագույն ուսումնական հաստատություններում ընդունելության պահանջները սահմանում է Հայաստանի Հանրապետության կառավարությունը։

Սույն հոդվածի 5-րդ մասի ուժով Կառավարությունը բարձրագույն ուսումնական հաստատությունների տվյալ տարվա մասնագիտությունների և ընդունելության քննությունների ցանկը հաստատում և պաշտոնապես հրապարակում է մինչև տվյալ տարվա դեկտեմբերի 1-ը։ Հարկ է նկատել, սակայն, որ **հաստատված ցանկում** 

փոփոխություններ և լրացումներ կատարելն արգելվում է։ Բացառություն են կազմում այն դեպքերը, երբ փոփոխությունների և լրացումների կատարման, ինչպես նաև նոր ցանկի հաստատման անհրաժեշտությունը պայմանավորված է հայտարարված արտակարգ կամ ռազմական դրությամբ։

«Կրթության մասին» << օրենքը վերոնշյալ բացառության լրացմամբ՝ ընդունվել է 2020 թվականի հունիսի 25-ին և ըստ կարգավորումների՝ տարածվում է 2020 թվականի մարտի 16-ից հետո ծագած հարաբերությունների վրա։

Մինչդեռ, խնդիրն այն է, որ << կառավարության թիվ 826-Ն որոշումն ընդունելու պահին վերոնշյալ կարգավորումները չեն գործել, ավելին, խնդրո առարկա ժամանակահատվածում արգելվել է արդեն իսկ հաստատված ցանկում փոփոխություններ և լրացումներ կատարել։

Հատկանշական է նաև այն, որ ՀՀ կառավարության 2019 թվականի նոյեմբերի 28ի թիվ 1674-Ն որոշմամբ արդեն հաստատվել են Հայաստանի Հանրապետության բարձրագույն ուսումնական հաստատությունների բակալավրի ու անընդհատ և ինտեգրացված կրթական ծրագրերով (առկա, հեռակա) 2020/2021 ուսումնական տարվա մասնագիտությունների և ընդունելության քննությունների ցանկը։

Այսպիսով, ստացվում է, որ 2020-2021 ուսումնական տարվա ընդունելության քննությունների անցկացման ընթացքում միաժամանակ գործել է բարձրագույն ուսումնական հաստատություններ ընդունելությանն առնչվող 3 փաստաթուղթ՝

- 1) << կառավարության 2012 թվականի ապրիլի 26-ի թիվ թիվ 597-ն որոշումը, որը վերաբերում է <այաստանի <անրապետության պետական և ոչ պետական բարձրագույն ուսումնական հաստատություններ ընդունելության (ըստ բակալավրի կրթական ծրագրի) կարգը հաստատելուն<sup>4</sup>։
- 2) << կառավարության 2019 թվականի նոյեմբերի 28-ի թիվ 1674-Ն որոշումը, որն առնչվում է Հայաստանի Հանրապետության բարձրագույն ուսումնական հաստատությունների բակայավրի ու անրնդհատ և ինտեգրացված կրթական ծրագրերով

\_

<sup>&</sup>lt;sup>4</sup> https://www.arlis.am/DocumentView.aspx?DocID=75964

(առկա, հեռակա) 2020/2021 ուսումնական տարվա մասնագիտությունների և ընդունելության քննությունների ցանկը հաստատելու հետ<sup>5</sup>։

3) Հայաստանի Հանրապետության կառավարություն 2020 թվականի մայիսի 21-ի թիվ 826-ն որոշումը «Պետական և ոչ պետական բարձրագույն ուսումնական հաստատությունների 2020-2021 ուսումնական տարվա ընդունելության կարգը (ըստ բակալավրի ու անընդհատ եվ ինտեգրացված կրթական ծրագրի) և բարձրագույն ուսումնական հաստատությունների (ըստ բակալավրի ու անընդհատ և ինտեգրացված կրթական ծրագրի) 2020-2021 ուսումնական տարվա մասնագիտությունների եվ ընդունելության քննությունների ցանկը հաստատելու մասին»<sup>6</sup>:

Ամփոփելով վերոգրյալը՝ մեր դիտարկումները փաստում են, որ պատշաճ քննարկումների չանցկացումը առաջացրել է բարձրագույն ուսումնական հաստատություն ընդունելության կարգին առնչվող փաստաթղթերի գործնական կիրառության հետ կապված խնդիրներ։

Կառավարության համապատասխան որոշումն ու օրենքն ընդունվել են նորմատիվ իրավական ակտերի նախագծերի ընդունման համար սահմանված ընթացակարգային պահանջների խախտումներով։

առաջարկվող լուծումների վերաբերլալ հանրալին ոչ բավարար հանգեցրել Ļ կողմերի՝ իրագեկվածությունը շահագրգիռ խնդրո առարկա կարգավորմամբ հետաանդվող նպատակի վերաբերյալ անորոշության ու նույնիսկ պափշաճ պալմանների կրթության իրավունքի իրացման տեսանկյունից անբարենպաստ հետևանքների։

Վերոնշյալի հաշվառմամբ Մարդու իրավունքների պաշտպանը հարկ է համարում արձանագրել, որ օրենսդրական նախագծերի ընդունման գործընթացները պետք է ապահովեն հանրային քննարկումների թիրախային և իմաստալից բնույթը (meaningful participation):

<sup>&</sup>lt;sup>5</sup> https://www.arlis.am/DocumentView.aspx?DocID=136669

<sup>&</sup>lt;sup>6</sup> https://www.arlis.am/DocumentView.aspx?DocID=142766

Սույն իրավական դիրքորոշումներով Պաշպապանը ձեռնպահ է մնում պալ գնահատական այն մասին, թե ֆորմալ առումով հատկապես ինչ իրավական ակտերով կամ այդ ակտերում փոփոխություններով պետք է ներդրվեր բուհեր ընդունելության արդեն ներկայում գործող կարգը կամ արդյոք Կառավարությունը դա արել է ճիշտ իրավական ակտերի ընտրությամբ։ Հարցն այն է, որ դա բովանդակային ծավալով շատ ավելի մեծ հարց է, ուստի պետք է քննարկման արժանանա համապատասխան ձևաչափով ու գնահատականի ձևավորման համար բավարար ժամանակամիջոցում։

### 4. Բարձրագույն ուսումնական հաստատությունների 2020-2021 ուսումնական տարվա ընդունելության կարգի մասին ոչ բավարար իրազեկման աշխատանքները

Դիմորդները և նրանց ծնողները Մարդու իրավունքների պաշտպանին հասցեագրած բողոքներով հայտնել են, որ պատշաճ իրազեկված չեն եղել 2020-2021 ուսումնական տարվա ընդունելության կարգի դրույթների վերաբերյալ։

Նրանց պնդմամբ՝ նոր տեսակի կորոնավիրուսային (COVID-19) համավարակի հիմքով հայտարարված արտակարգ դրության ընթացքում հանրապետությունում կիրառվող սահմանափակումների պատճառով իրենք հնարավորություն չեն ունեցել մինչև բուհ ընդունելության համար հայտ լրացնելը կարգում փոփոխությունների վերաբերյալ տեղեկանալ դպրոցից կամ բուհերից։

Այսինքն՝ արտակարգ դրության իրավական ռեժիմի սահմանափակումների պատճառով հնարավորություն չեն ունեցել ֆիզիկապես այցելել որևէ վայր և ստանալ անհրաժեշտ տեղեկություններ, իսկ Կրթության, գիտության, մշակույթի և սպորտի նախարարությունը պատշաճ իրազեկում չի ապահովել։ Դիմողները տեղեկացրել են, որ իրենց կարգի փոփոխությունների մասին չեն իրազեկել նաև դպրոցներում, որտեղ նույնպես տեղեկացված չեն եղել, թե ինչ կարգ է գործում։

Մարդու իրավունքների պաշտպանն ընդունելության նոր կարգի վերաբերյալ հանրային պատշաճ իրազեկում չիրականացնելու վերաբերյալ հարցադրումներ է ներկայացրել << կրթության, գիտության, մշակույթի և սպորտի նախարարություն, որին ի պատասխան՝ նշվել է, որ մեծաթիվ լրատվամիջոցներ անդրադարձել են կարգի լուսաբանմանը։

Ըստ Մարդու իրավունքների պաշտպանին ներկայացված պաշտոնական պարզաբանումների՝ քննարկվող հարցին անդրադարձել է նաև Կրթության, գիտության, մշակույթի և սպորտի նախարարը՝ թեմայի վերաբերյալ ունեցած ուղիղ միացման ժամանակ, որն ունեցել է մոտ 57.000 դիտում, բացի այդ, մոտ մեկ ամիս Նախարարության և Գնահատման և թեստավորման կենտրոնի աշխատակիցները հանդես են եկել պարզաբանումներով և հարցազրույցներով։

Նախարարությունը հայտնել է նաև, որ www.dimord.am կայքում գրանցվելուց առաջ դիմորդները հաստատել են, որ ծանոթ են 2020 թվականի ՀՀ բուհերի ընդունելության կարգին։

Դիմորդների և նրանց ծնողների՝ Մարդու իրավունքների պաշտպանին հասցեագրած բողոքները և հրապարակային մտահոգությունները, ինչպես նաև Նախարարության պաշտոնական պարզաբանումները հնարավորություն են տվել ձևավորել հետևյալ եզրահանգումները։

Նախ, պետական և ոչ պետական բարձրագույն ուսումնական հաստատությունների 2020-2021 ուսումնական տարվա ընդունելության կարգին առնչվող Կառավարության թիվ 826-Ն որոշումն ընդունվել է 2020 թվականի մայիսի 21-ին և ուժի մեջ է մտել մայիսի 26-ին։

Այդ որոշման համաձայն՝ դիմորդները ընդունելության քննության և մասնագիտությունների նշումով դիմում-հայտը գնահատման և թեստավորման կենտրոն են ուղարկում էլեկտրոնային (առցանց) եղանակով՝ մայիսի 25-ից մինչև հունիսի 15-ը՝ ժամը 18.00-ն։

Այսինքն՝ սփացվում է, որ << կառավարության թիվ 826-Ն որոշումը, որով նախափեսվում է նոր կարգի ներդնում, ընդունվել է դիմում-հայփերի ներկայացման

համար նույն որոշմամբ նախապեսվող օրվանից ընդամենը 4 օր առաջ (ընդ որում, այդ օրերից 2-ը ոչ աշխապանքային են)։ Ավելին, որոշումն ուժի մեջ է մպել մայիսի 26-ին, այսինքն՝ դիմում-հայպերի ներկայացման ժամկետը 1 օր առաջ՝ մայիսի 25-ին սկսել է իրավական առումով հոսել ուժի մեջ մպած որոշման բացակայության պայմաններում։

Ակնիայտ է, որ ժամկետների հետ կապված նշված իրավիճակը խնդրահարույց է, եթե դա դիտարկում ենք նոր կարգի ներդրման ու անձի կրթության իրավունքի իրացման համար անհրաժեշտ պայմանների տեսանկյունից։

Արտակարգ դրության իրավական ռեժիմի գործողության պայմաններում այս հարցն առավել արդիական Ļ դառնում՝ հաշվի առնելով ֆիզիկական ընույթի սաիմանափակումները, ալդ թվում՝ կապված մարդկանց wqww տեղաշարժի, տեղեկությունների տարածման ավանդական եղանակների նվազման հետ։ Նման իրավիճակը մեծացնում է պետության դերը՝ իրազեկման ապահովման հարցում այնպես, որ մարդու իրավունքների իրազման համար անմիջական նշանակություն ունեցող տեղեկությունները սպառիչ կերպով հասնեն հասցեատիրոջը։

Մարդու իրավունքների պաշպպանը հսպակ գիպակցում է, որ արպակարգ դրության պայմաններում պետության հնարավորությունները նույնպես անսպառ չեն և պետությունը նույնպես կրում է դժվարություններ։ Սակայն սա չի նշանակում, թե պետությունը չպետք է մարդու նկատմամբ իր պարտավորությունները պատշաճ կատարի։ Եթե պետությունը որոշել է գնալ բուհեր ընդունելության նոր կարգի ներդրման կամ գործող կարգի փոփոխության, ապա պետք է նկատի ունենա, որ ծանրաբեռնված է մարդու նկատմամբ պարտավորություններով՝ հաշվի առնելով, որ իր նախաձեռնությունը կոնկրետ դեպքում ազդելու է կրթության ու նույնիսկ մի շարք այլ իրավունքների վրա։

Հետևաբար, պետությունը պետք է իր քայլերը կատարի չափանիշի այնպիսի բարձրությամբ, որով կապահովվի իր նախաձեռնության առնչությամբ քաղաքացու հանդեպ բոլոր պարտավորությունների իրացումը։

Վերը նշվածով հանդերձ՝ ակնհայտ է, որ միայն իրավական ակտի պաշտոնական հրապարակումը բավարար չէ։ Բավարար չեն նաև պաշտոնյաների հրապարակային (ուղիղ եթերի ձևաչափի) ուղերձները կամ հարցազրույցները։ Պետությունն այդ խնդիրը պետք է լուծի՝ ապահովելով իրական ու թիրախային իրազեկում՝ մատչելի լեզվով ու բոլորին հասանելի եղանակներով (օրինակ՝ հաշմանդամություն ունեցող անձինք կամ մարզերի բնակիչներ և այլն), անհրաժեշտ հաճախականությամբ և այլն։

Պետք է իրազեկումներն իրականացնել կարճ, ոչ երկար տեսանյութերով կամ իրազեկման այլ միջոցներ՝ թիրախային ուղերձների ապահովմամբ։ Ընդ որում, անհրաժեշտ է օգտագործել թե՛ լրատվության ավանդական, թե՛ ժամանակակից, այդ թվում՝ սոցիալական մեդիայի հնարավորությունները։ Միջազգային փորձը վկայում է նաև, որ այդ նպատակի համար ներգրավվում են նաև տեղական մարմիններ՝ ըստ անհրաժեշտության ու իրավիճակի։

Նախարարությունը Մարդու իրավունքների պաշտպանին հայտնել է, որ բարձրագույն ուսումնական հաստատությունների 2020-2021 ուսումնական տարվա ընդունելության կարգի վերաբերյալ իրականացվել են իրազեկման աշխատանքներ։

Սակայն Պաշտպանի աշխատակազմի դիտարկումները վկայում են, որ նախ՝ կարգին վերաբերող Կառավարության որոշման դրույթները [մեծածավալ լինելու պատճառով] ներկայացված չեն եղել դիմորդների համար նախատեսված մատչելի տարբերակով, և երկրորդ՝ ժամանակային սղությամբ պայմանավորված՝ դիմորդները չեն ունեցել ընդունելության նոր կարգին լիարժեք ծանոթանալու հնարավորություն։

Կայքում հրապարակված է նաև առցանց ընդունելության դիմում-հայտի լրացման տեսանյութ, սակայն այն չի արտացոլում ընդունելության նոր կարգի վերաբերյալ ամբողջական կարգավորումները. այն միայն ներկայացնում է առցանց ընդունելության դիմում-հայտի լրացման ձևը։

Ինչ վերաբերում է Նախարարության հայտնած այն տեղեկությանը, որի համաձայն՝ www.dimord.am կայքում գրանցվելուց առաջ դիմորդները հաստատել են 2020 թվականի << բուհերի ընդունելության կարգին ծանոթ լինելու մասին, ապա բողոքների ուսումնասիրությունը թույլ է տալիս պնդել, որ դիմորդները դա դիտարկել են հայտի ներկայացման պայման։ Դրանից բացի, ներկայացված կարգավորումների հետևանքները կանխատեսելի չեն եղել դիմորդների համար։

Ավելին, Կառավարության որոշման դրույթները նաև առանձնանում են իրավական բարդ ձևակերպումներով։

րնդունելության նոր կարգի մասին տեղեկությունները պետք է նախապես՝ մինչև որոշման րնդունումը, մափչելի հանրությանը և հատկապես թիրախային լսարանին։ Ընդ որում, դա պետք է արվեր ոչ թե միակողմանի մուրեցմամբ, այլ հանրության դիրքորոշումը հաշվի առնելով ու մասնակցային ձևաչափով։ Այս կապակցությամբ պետք է հաշվի առնվեր նաև այն, որ րնդունելության քննություններին մասնակցող դիմորդները *իիմնականում* անչափահասներ են։

Իհարկե, հասկանալի է, որ Հանրապետությունում նոր տեսակի կորոնավիրուսի կանխարգելման համար հայտարարված արտակարգ դրությամբ պայմանավորված՝ Կառավարության հաստատած նոր կարգով բուհերում ընդունելությունն իրականացվել է դիմում-հայտերի առցանց ընդունման եղանակով։ Ըստ այդմ, իրազեկման աշխատանքներն իրականացվել են առցանց եղանակով։

Վերոնշյալի առնչությամբ հատուկ ուշադրության առարկա պետք է դառնային նաև համացանցից օգտվելու հնարավորություն չունեցող դիմորդները։

Այս եզրահանգման հիմքում ընկած հիմնական գաղափարն այն է, րնդունելության նոր կարգի վերաբերյալ իրազեկման աշխատանքների համար պետք է սահմանվեին մքակմուս րնդհանրական ռազմավարություն բնույթի կամ շրջանակում իրավասու մարմինները ժամանակացույց, nph կապահովեին տեղեկատվության իրական ու թիրախային հասանելիություն հավասարապես բոլոր դիմորդների համար։ Խոսքը նույնիսկ գնում է ոչ թե ֆորմալ ռազմավարությունների, այլ համակարգված ու թիրախային աշխատանքի նկատառումով։

Ասվածի կապակցությամբ պետք է հատուկ ուշադրության առարկա դառնար հատկապես գյուղական վայրերում բնակվող դիմորդներին, ինչպես նաև հաշմանդամություն ունեցող մարդկանց իրազեկվածության ապահովմանը վերաբերող հարցերը։ Իրազեկման աշխատանքների արդյունավետ իրականացման համար կարևոր է նաև դպրոցների ուսուցիչների մասնակցությունն ու ներգրավվածությունը։

Ընդ որում, այս աշխապանքները պետք է իրականացվեին նախապես՝ արտակարգ դրություն հայտարարելուց անմիջապես հետո, երբ ընդունելության կարգի փոփոխության համար առկա էր ողջամիտ կանխատեսելիություն։

# 5. Դիմորդների նկատմամբ ինքնամեկուսացման կամ մեկուսացման պահանջ ներկայացնելը և դրա հիմքով քննությանը ներկայանալու անհնարինությունը

Պաշտպանին հասցեագրված բողոքներից մեկով նշվել է, որ դիմորդը չի կարողացել մասնակցել ընդունելության միասնական քննությանը, քանի որ նոր տեսակի կորոնավիրուսի (COVID-19) վարակակիր լինելու հիմքով գտնվել է ինքնամեկուսացման մեջ։ Ավելին, դիմորդն ավարտել է միջնակարգ դպրոցը գերազանց առաջադիմությամբ։

Այս կապակցությամբ Պաշտպանը հարցադրումներ է ներկայացրել << կրթության, գիտության, մշակույթի և սպորտի նախարարություն և ստացել պատասխան այն մասին, որ ընդունելության քննություններին չմասնակցած (այդ թվում նաև ինքնամեկուսացման մեջ գտնվող) դիմորդների համար լրացուցիչ ընդունելության քննություններ չեն նախատեսվել։ Ըստ Նախարարության՝ այդ դիմորդները հնարավորություն ունեն սեպտեմբեր ամսին մասնակցել բակալավրի կրթական ծրագրի հեռակա ուսուցման ընդունելության մրցույթին՝ հանձնելով տվյալ մասնագիտության համար սահմանված ընդունելության քննությունը։

Մարդու իրավունքների պաշտպանի աշխատակազմն արձանագրել է նաև Ազգային ժողովի պատգամավոր Թագուհի Թովմասյանի կարևոր հայտարարությունը խորհրդարանի նիստում առ այն, որ դիմորդները այս խնդրով դիմել են նաև իրեն։ Ավելին, ԱԺ պատգամավորի հարցին պաշտոնական պատասխանով Կառավարության իրավասու ներկայացուցիչը հրապարակային պատասխանատվություն է ստանձնել կազմակերպելու քննությունններ այս կատեգորիային պատկանող անձանց համար՝ առաջացնելով նաև համապատասխան հանրային ակնկալիքներ, սակայն դա այդպես էլ չի արել, իսկ Նախարարության պատասխանը փաստում է լրացուցիչ քննություններ չանցկացնելու մտադրության մասին։

Ստացվում է, որ 2020-2021 ուսումնական տարվա ընդունելության կարգի մշակման փուլում հաշվի ςh արտակարգ առնվել դրության իրավական ռեժիմի սահմանափակումների պատճառով խնդիրների առաջ կանգնած դիմորդների բուհ րնդունելության հարցը։ Արդյունքում՝ ինքնամեկուսացված և մեկուսացված անձինք չեն կարողացել մասնակցել րնդունելության քննություններին՝ իրենցից անկախ պատճառներով։

Այս կոնկրետ հարցով Մարդու իրավունքների պաշտպանի աշխատակազմում նախաձեռնված վարույթով քաղաքացու բողոքի առնչությամբ դեռ համապատասխան գործողությունները շարունակվում են։